

سنه لکی در سعادت ایچون مجیدیه
یکرمی غروش حسابیه التمش
غروشدر

طشمره ایچون پوسته اجرتی اوله رق
اون بش غروش ضم اولنور

نسخه سی ٤٠ پاره در

فکرانک محاکمات

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلانانک بهرندن بر مجیدیه اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه یه متعلقدر

توضیحات

انطالیه سنجانی بدایت محکمه سی مدعی عمومی
معاونلکی ماردین سنجانی بدایت محکمه سی
مدعی عمومی معاونی عزتو محمد فواد بکه تفویض
بیوراش و مومی الیه ذاتاً محلف بولمشدر .

در سعادت استیناف محکمه سی اعضا سندن سعادتلو
رؤف بک افندی یه ترفیعاً رتبه اولی صنف ثانسی
توجیه بیورلشدر .

تبلیغات

خلاف تنبیهات حرکتلرندن طولانی مجالس
بلدیجه حبس و جزای نقدی یه محکوم اولنلرک
اولساده کی قرارلری استیناف و تمیزه صلاحیتلری
اولوب اولدیغنسک و اولدیغنی حالده بولنلرک مرجع
استینافی نره سی اولدیغنسک تعینی حقنده قسطمونی
استیناف محکمه سی مدعی عمومیلکندن وقوعبولان
اشعار اوزرینه ، مجالس بلدیجه دن ویریلان قرارلرک
مرجع استینافی مجالس اداره اولوب جهت عدلیه جه
مداخله جائز اوله میه جنی جوانی انجمن عدلیه افاده
سیله مذکور مدعی عمومیلکه اعطا قلمشدر .

چار سنجاق بدایت محکمه سی اجرا دائره سنه
تودیع اولنوب خلی زماندن برو دوام ایدن معاملات
اجرائیه نتیجه سنده محکوم به اولان مبلغ مع فائض
تحصیلله حکمی اجرا قلمش اولان اعلامده مبلغ
مزبورک ایشلمش فائضنک بالحساب رأس الماله ضمیمه
تحصیلنه حکم اوله رق رأس المالك حین تحصیلنه دکن
گذشته یه دائر بر حکم و صراحت بولندینی حالده
داین طرفندن مبلغ محکوم بهک قبضه دکن گذشته
طلب ایدلکده اولدیغندن بختله استفسار معامله یه دائر
مذکور بدایت محکمه سی ریاستندن وقوعبولان اشعار
اوزرینه ، حکم واقع متراکم گذشته نك بالحساب
رأس الماله ضمیمه مجموعنک تحصیلی صورتنده اولوب

محکوم بهک حین تحصیلنه دکن فائض یوریدلمسنه دائر
بر فقره یی تضمن ایتمدیکنه و موقع اجرانک وظیفه سی
حکم اعلامی اجرادن عبارت اوله رق اعلام خارجنده
بر معامله اجرایی جائز اوله میه جغه کوره مبلغ
مذکور ایچون بعدالحکم فائض یوریدیله میه جکندن
اولوجهله ایضای معامله ایدلمسی لزومنک ریاست
مذکوره یه تبلیغی انجمن عدلیه افاده سیله معموره العزیز
ولایتی استیناف مدعی عمومیلکنه ازار قلمشدر .

فضاحت لسانیه دن طولانی عکاده موقوف اولوب
اصلاح حال ایدلکاری ومدت موقوفیتلرینک اوج
سنه یی تجاوز ایتدیکی اکلاشیلان خلیل عبود و ماردینی
سعد الله صالح بن سلمنک امثالی وجهله نصاب لازمه
بعدالایضا تخلیه سیلیری بیروت ولایتی محکمه
استینافیه سی مدعی عمومیلکنه ازار قلمشدر .

محاکمات مقدماتی

خلاف حقیقت میں ایتدیکی ادعاسیله مظنون
اولان آپامینونده نك منع محاکمه سنه دائر مستنطق
طرفندن ویریلان قرارنامه نك مظنون علیک اصولاً
استنطقی اجرا قلمقسزین اتخاذ قرار اولنمشندن
ناشی فسخیله مظنونک استجوابندن صکره قراره ربط
اولمق اوزره اوراقنک اعاده سی متضمن در سعادت
هیئت اتهامیه سندن تنظیم اولنان مضبطه نك تمیزی
حقنده استیناف مدعی عمومیلکندن ویریلان استدعا
ایله اوراق متفرعه سی لدی التدقیق هیئت اتهامیه دن
اعطا قلمن بومثللو قرارلر اصول محاکمات جزائیه
قانوننک اوچوز یکر می ایکنجی ماده سنده قابل تمیز
اولمق اوزره بیان وتعداد اولنان احکام قطعیه دن
اولمدینی جهتله قابل تمیز بولنماش اولدیغندن استدعا ی
مذکورک ردینه محکمه تمیز استدعا دائره سنجه قرار
ویرلشدر .

علی حیدر بک نقود و سنداتی غصب ایتلرندن
دولای مظنون اولوب جنایتله اتهام اولنان حسن

اغا ورفقاسنک برائتینه دائر ارزنجبان سنجانی
بدایت محکمه سی جزا دائره سندن ویریلان اعلامک
تمیزی حقنده محکمه مذکوره مدعی عمومی معا
ونلکندن تنظیم واسرا قلمن استدعا ایله اوراق
متفرعه سی تدقیق اولندقد افعا جنائیه دن طولانی
اعطا قلمن برائت قرارلرینک مدعی عمومیلر طرفندن
تمیزی اصول محاکمات جزائیه قانوننک اوچوز اون
بشنجی ماده سی حکمنه مستند اولمق لازم کلدیکی حالده
ذکر اولنان استدعا و مربوطی لایحه نك ماده مذکوره یه
استناداً ویرلدیکی اکلاشلمش و بویکی مواده مدعی
عمومیلرک ماده مذکوره خارجنده تمیز دعوا یه
صلاحیت قانونیه لری ده بولنماش اولدیغندن مذکور
استدعانک ردینه محکمه تمیز استدعا دائره سنجه قرار
ویرلشدر .

پازارجق قضاسنه تابع یکی بیان قریه سندن عارف
اوغلی مصطفانک حیواناتیه اشیالری اخذ و غصب
وضبطیه شعبان اغایه قتل قصدیه تشهیر سلاح ایتلرندن
دولای جنایتله اتهام اولنان باب قضاسنه تابع ایل
بکلی قریه سندن حسن بن خلیل و عمر بدار قریه سندن
قره سلیمان و عبود بن علینک اوچر بحق سنه مدته
کورک قوتلرینه دائر مرعش سنجانی بدایت محکمه سی
جزا دائره سندن ویریلان یوز اوتوز طقوز نومرولی
اعلام محکمه تمیز جزا دائره سنجه تصدیق اولنمشدر .

جسر شغور قضاسنه تابع اردو قریه سی اهالی سندن
غریبوسنک قتل اولنمشندن دولای جنایتله اتهام اولنان
خلیل بن احمدک اون بش سنه مدته کورک قوتلرینه
دائر حلب ولایتی استیناف محکمه سی جزا دائره سندن
ویریلان ٥٩ نومرولی اعلام محکمه تمیز جزا دائره
سنجه تصدیق اولنمشدر .

صو شهری قضاسنک قانی قریه سندن قانبور اوغلی
ولینک اشیا و نقودنی اخذ و غصب ایتمشندن طولانی
جنایتله اتهام اولنان قضای مذکورک کاردل قریه سندن
چبیچ اوغلی حسینک اوچ سنه مدته کورک قوتلرینه
دائر قره حصار شرقی سنجانی بدایت محکمه سی جزا

سعادتو رضا بک ٹوڑ قومیسر ودعوی وکیلرندن
اوقایوس اورہ ٹوپوس افدینک موقت سندیک
تعیینلرینہ و مغازہ سیلہ اشای زائدہ بیتیه سنک تمہیرینہ
واوراق و دفاترینک جلبنہ و بوبادہ کی قرارک موقه
اجراسنہ ابکنجی تجارت محکمہ سندن قرار ویرلش
اولدیغندن قانوننامه تجارتک ۱۷۰ نجی ماده سی موجبینجه
دائی سندیکار انتخاب اولمق اوزره ۱۳۱۸ سنه سی
مایسنک ۲۳ نجی پنجشنبه کونی ساعت آتی راده لرنده
اصحاب مطلوبک محکمہ مذکورده نک افلاس اوطه سنه
کلیری اعلان اولنور .

اعلامات شرعیہ اجرا دائرہ سنده :

ساحتلو حاجی محمد نوری افندی حضرت تلرینک
امینہ صفوت خانم ذمتده قسمت عسکریه محکمہ سندن
اعطا اولنان مقتضا اعلامی موجبینجه الهجنی اولان
مبالغ معلومہ نک تأمین استیفاسی ضمانده مرهون
وفروختی محکوم بولنان التون اوزرینہ مصنوع روزہ
طاشلی ایکی چفت الماس کویہ ایله التون اوزرینہ
مصنوع روزہ طاشلی برعدد قوش ایکنه اشبو شهر
مایسنک یکرمجی بازار ابرتسی ویکرمی برنجی صالی
ویکرمی ایکنجی چهارشنبه کونلری چارشوی کیرده
جواهر بدستانده بالمزایدہ فروخت اولنه جغندن
طالب اولانلرک ایام مذکورده ده محل مذکورده
ساعت یدی راده لرنده حاضر بولنلری درسعادت
اعلامات شرعیہ اجرا دائرہ سندن اعلان اولنور .

ککبوزه بدایت محکمہ سی اجرا دائرہ سنده :

هرکه قریه سنک اوچیوز اون آتی سنه سی
واردات عشریه سی درعهده والتزام ایدن قالبورجی
دیوانندن فیضی اوغلی مصطفی اغانک بدل التزامدن
طولای دینی بولنان مبالغ معلومہ بی عدم تسویه سندن
ناشی ملتزم مرقومه کفالت ایدن چرکشیدن دده
بکر اوغلی محمد اوغللری حسین ونوری وقربان
اغارک عهده تصرفلرنده اولوب مقدا حجرتنه اللہ البان
مذکور چرکشلی قریه سی جوارنده باغ آردی نام
موقعده معلوم الحدود ایکی دونم مقداری بر قطعه
ترلانک درت حصهده اوچ حصه سی وقرنجی الخطی
موقعده اون آتی دونم مقداری ترلا وقره زیتون
موقعده یکرمی دونم مقداری معلوم الحدود بر قطعه
ترلا و آق پیکار آتی موقعده معلوم الحدود اوچ
دونم مقداری بر قطعه ترلا ویاپار بایرنده معلوم الحدود
اوچ دونم مقداری بر قطعه ترلا والزجه آلتسده
معلوم الحدود آتی دونم مقداری بر قطعه ترلا ومیشه
لکده معلوم الحدود ایکی بچق دونم مقداری بر قطعه
ترلا و دکرمان آلتسده معلوم الحدود درت دونم مقداری

بر قطعه ترلا و بوشناق قیوسنده معلوم الحدود اوچ
دونم مقداری بر قطعه ترلا وکوی جوارنده معلوم
الحدود ایکی دونم مقداری بر قطعه ترلا وپیامده
معلوم الحدود سکر دونم مقداری بر قطعه ترلا
واینارجهده معلوم الحدود ایکی دونم مقداری بر قطعه
ترلا وچفتلکده معلوم الحدود اوچ دونم بر قطعه
باغک اوتوز ایکی حصه دن یکرمی بر حصه سی وقریه
درونسده معلوم الحدود سکر یوز ذراع بر قطعه باغچه نک
اوتوز ایکی حصه دن یکرمی بر حصه سی که جمعاً اون
درت قطعه املاک وارضیسی تاریخ اعلاندن اعتباراً
اون بش کون صکره فروخته تشبث اولنه جنی
ککبوزه بدایت محکمہ سی اجرا دائرہ سندن اعلان
اولنور .

قوتلیجه قریه سنک اوچیوز اون آتی سنه سی
واردات عشریه سی درعهده والتزام ایدن تبهجک
قریه لی قاسم اوغلی علی اغانک بدل التزام مذکورده
طولای دینی بولنان مبالغ معلومہ بی عدم تسویه سندن
ناشی ملتزم مرقومک کفالی قریه مذکورده دن
بودور اوغلی مصطفی اغانک مقدا حجرتنه بولنان
قریه مذکورده کوتوکر بایرنده واقع معلوم الحدود
اون دونم مقداری بر قطعه ترلا وینه قباقلی ترلا
جوارنده معلوم الحدود درت بچق دونم مقداری بر
قطعه ترلا و قوجه طاش نام محله معلوم الحدود سکر
دونم مقداری ترلا وینه محل مذکورده واقع معلوم
الحدود سکر دونم اوچ اولک بر قطعه ترلا و قباقلی
درده معلوم الحدود اون درت دونم مقداری بر قطعه
ترلا وکونوکر بایرنده معلوم الحدود طقوز دونم
مقداری بر قطعه قوری وصورغون دره موقعده
معلوم الحدود قرقایکی دونم مقداری بر قطعه قوری
و قوجه طاش موقعده معلوم الحدود التمش اوچ دونم
مقداری بر قطعه قوری و قباقلی درده معلوم الحدود
التي دونم مقداری بر قطعه جاللیق ویالاق طاش
جوارنده معلوم الحدود اوچ دونم مقداری بر قطعه
قوری وینه موقع مذکورده معلوم الحدود اوچ دونم
مقداری بر قطعه ترلا وینه محل مذکورده معلوم الحدود
بش دونم اوچ اولک بر قطعه ترلا وقرانلق دره نام
محله معلوم الحدود ایکی دونم بر اولک مقداری بر
قطعه ترلا وینه محل مذکورده معلوم الحدود اوچ
دونم مقداری بر قطعه ترلا وقره حصه دره سنده معلوم
الحدود ایکی دونم مقداری بر قطعه ترلا وکوی الی وارنلر
موقعده اوچ دونم مقداری بر قطعه ترلا وینه موقع
مذکورده معلوم الحدود بر قطعه ترلا وباریش یولی
موقعده معلوم الحدود بر قطعه ترلا که جمعاً اون سکر
قطعه املاک وارضینک تاریخ اعلاندن اعتباراً اون

بش کون صکره بالمزایدہ فروخته تشبث اولنه جنی
ککبوزه بدایت محکمہ سی اجرا دائرہ سندن اعلان
اولنور .

اوچیوز اون آتی سنه سی دکرلی ویاپدی قریه لری
اعشار ملتزمی دکرلی قریه سندن کرد محمد اغانک
اعشار تقاسیط بدلاتندن دیون عمومیه اداره سنه اولان
دینک تأمین استیفاسی ضمانده کدوسنک وکفلی
بولنان قریه مذکورده دن نوری اغانک ماللری اولوب
دارینجه دیون عمومیه اداره سی طرفندن وقوعبولان
طلب اوزرینہ حجرتنه آلتنه آلتان و بولنلر دن کرد محمد
اغا عهده سنه املاکجه مقید بولنان دکرلی قریه سی
بایرنده معلوم الحدود بش دونم صره لی جوارنده اوچ
دونم فندق یقوشنده یکرمی دونم چالیلرک نصف
حصه لریه یه دکرلی قریه سی جوارنده دکرمان
بایرنده آتی دونم چقور ترلا ده اون دونم بادکنلده
اوچ دونم اورته برونده ایکی دونم فندق یقوشنده
بش دونم ترلارک تمامی وچاقلرده اوچ دونم باغ
و کروم محلتک بتونی وکفلی نوری اغانک عهده سنه
مقید بولنان صره لی الماغنده اوچ دونم کورکینی نام
محله آتی دونم طاشلق آلتسده سکر دونم قریشج
نام محله سکر دونم ترلارک نصف حصه لریه چاقلرده
بردونم ایکی اولک مع کروم باغک بتونی آلتان نام
محله آتی دونم چالیلرک نصف حصه سی چکنانه
بایرنده آتی دونم طموز آغسده اون دونم ویامه
یرنده درت دونم ترلارک ربع حصه لری و قوز درده
ایکی دونم بر قطعه جاللیق ایله خندک آلتسده اوچ
دونم ترلانک تمامی وینه خندک آلتسده آتی دونم
باغچه نک ربع حصه سی تاریخندن اون بش کون صکره
بالمزایدہ فروخت ایدیه جکندن طالب اولنلرک ککبوزه
بدایت محکمہ سی اجرا دائرہ سنه مراجعت ایتلری
اعلان اولنور .

درسعادت بدایت محکمہ سی برنجی حقوق
دائرہ سنک بیک اوچ یوز اون یدی سنه سنه
مخصوص ایستاستیق جدولیدر :

عدد

- ۶۰۱ اوچیوز اون آتی سنه سندن مدور
۲۰۰۹ اوچیوز اون یدی سنه سی طرفنده ورویدان دعاوی
۲۶۱۰
۲۱۱۱ اوچیوز اون یدی سنه سی طرفنده قرارلری
اعطا و معامله نظامیه لری اجرا قلنان دعاوی
۵۹۹ اوچیوز اون سکر سنه سنه دور اولنان دعاوی